

Xeerka L. 29

Nidaamka habka Maxkamadaha Caddaaldda hortooda.

**MAAMULKA WASAAYADDA SOOMAALIYA TALYAANIGA
MAAMULAHAA**

Marka uu arkay xeerka 4 Nofember 1951, 1301 ee lagu ansixiyay iyo lagu fulinayo Heshiiska Wasaayadda Dhulka Soomaaliya;

Marka uu arkay Xeerka Nidaamka Garsoorka ee lagu meelmariyay amarka lamba. 5 taariikhda 2 Febraayo 1956;

Markuu tixgaliyay in ay habboontahay in la soo saaro xeer nidaamiye ee la xariira hababka Maxkamadaha Garsoorka horyaalla;

Marka uu dhagaystay Guddiga Maamulka;

Talada Agaasimaha qaabilسان Xeerarka iyo AA. GG.

WUXUU DEKEREETO KU SOO SAARAYA

Qod. 1

Waxaa la meelmariya habka Maxkamadaha Garsoorka horyaalla ee nidaamkaan la socda, oo ka kooban L. 86 qodob.

Qod. 2

Dekeretadaan waxa hirgalaysaa malinta 6aad eek u xigta taariikhda lagu baahiyio Faafinta Rasmiga.

Muqdisho, 24 Febraayo 1956.

Maamulaha

Anzilotti

La hubiyay iyo la diiwaangeliyay

– Diiw. lamba. 15 – bogga lamba. 39.

Muqdisho, 23 Maarsio 1956.

Hantidhowraha Guud: **Spadaro.**

NIDAAMKA HABKA MAXKAMADAHA CADDAALDDA HORTOODA

Cutubka 1aad
Cabashooyinka Daxwadaha Madaniga

Qod. 1

Dib u Dhigidda/Afeefta Liddiga ku ah Xukunka aan kama Dambaysta ahayn

Cabashada Maxkamadda Garsoorka looga qaato xukunka aan kama dambaysta ahayn – haddii waxyaabaha go'aanka laga gaaray iyo kuwa go'aanka laga garayo ay isku xiranyihiin ama jiraan waxyaaba ka dhexeeya – waxaa dib loo dhigi karaa ilaa laga keenayo cabashada liddiga ku ah xukunka kama dabaysta, waase haddise dhinacu uu cabashada keeno, muddada sharcigu sheegay, wuxuu dib u dhiganayaa inta lagu jiro muddada lagu keenayo cabashada, iyo, sikastaba, wax aan ka badnayn fadhiga ugu horreeya ee ku xiga marka la gaarsiiyo xukunkaas isaga ah. Dib u dhigashadu lagama noqn karo.

Qod. 2 **Dhicitaanka Duridda**

Haddii xukunka aan la soo wargelin, cabashada lama keeni karo marka ay ka soo wareegto hal sano taariikhda la faafiyay isaga, marka laga reebo in maqanuhu u caddeeyo in aanu ka warqabin dacwadda sababa la xarira wax kama jiraanimada wicitaanka ama wargelinta, ama wax kama jiraanimada amarka oggolaashaha weydiinta su'aalaha ama dhaarta, ama ka soo qaybgalka wata codsiyo ama sheegashooyin cusub.

Qod. 3 **Soo Jeedinta lagu Hakinyo Codsiga ka Noqoshada**

Soo jeedinta codsiga ka noqoshada, waa hakanayaa ama muddada la keenayo Maxkamadda Garsoorka ama sidoo kale habraaca Maxkamadda horyaalla, illaa la soo ogaysiinayo xukunka ku dhawaaqyka noqoshada.

Qod. 4 **Saxiixa iyo Nuxurka ka Noqoshada**

Cabashada loo qaato Maxkamadda Garsoorka waa soo saxiixaya Qareen ama Wakiil sharci leh wata warqadda wakaaladda ay ku qorantayah:

- 1) tilmamaha magaxa oo buuxa, degmada iyo goobta ay degganyahiin dhinacyadu;
- 2) waxyaabaha waaweyn qoran xukunka durista laga soo qaatay;
- 3) bandhig kooban ee dhacdooyinka dacwadda;
- 4) sabaha loo soo qaatay cabashada iyadoo la tilmaamayo xeerarka sharci uu ku qotamo;
- 5) tilmaamaha wakaaladda, haddii lagu siiyay qoraal ka gooniya. U hoggaansan la'aanta dhammaan tilmaamaha kor lagu soo sheegay waxay keenaysaa in aan cabashada la aqbalin.

Qod. 5
Wargalinta Cawdaha

Magacaabidda wakiilka saxiixay cabashada waxay keenaysaa in la doortay goobta uu isagu deganyahay, haddi isagu uu degganyahay Muqdisho; haddii kale wixii wargalin ah waxaa laga samaynayaa Kaalinta Maxkamadda.

Qod. 6
Wargalinta Cabashada

Cabashada uu soo gudbiyo cawdaha, waxaa la wargeliyaa dhinac ama dhincyada kale ee laga soo gudbiyay cabashada.

Qod. 7
Xareynta Cabashada

Cabashadu – lama dhaqaaji karo haddii aan muddo 20 cisho oo ka bilaabata wargelintii u dambaysay, aan lagu xareyn Kaalinta Maxkamadda iyadoo ay la socdaan nuql la tasdiiqay ee xukunka la durayo, wakaaladda haddi qoraal gaara lagu bixiyay, dokumentiyada waraaqaha ay ku cadyihii, rasiidka muujinaya kedinta So. 100, oo la dhigay ka hor wargalinta cabashada, amase dekereetada dhinaca isaga ah loogu oggolaaday difaaca lacag la’aaanta.

Qod. 8
Weydiisiga Galka Xafiiska

Kaaliyaha Maxkamadda waa in uu weydiistaa Kaalinta Garsooraha soo saaray xukunka la durayo in uu u soo gudbiyo galka xafiiska.

Qod. 9
Cabashada Liddiga

Dhinaca cabashada laga keenay wuxuu keeni karaa cabasha liddi ah taasoo la wargelinayo cawdaha labaatan maalmood inta aanay dhammaan muddada loo qabtay in lagu soo xareeyo cabashada. Waxaa lagu dhaqayaa haddii ay suurtgal tahay xeerarka qodobada 4 iyo 6. Cabashada liddiga waxaa lagu soo xareynayaa Kaalinta Maxkamadda Garsoorka tobant cisho marka laga joogo wargelinta, taaso ay la socdaan waraaqaha garsooridda iyo wakaaladda, haddii qoraalgaara lagu bixiyay.

Qofka aan samayn wargelinta cabashda liddiga ma keeni karo wax qoran, hasayeeshe keliya waxaa loo oggolyahay dood afka.

Qod. 10
Cabashada Dhinaca kale

Dhinaca lagu xusay qodobka la soo sheegay, wuxuu ku soo gudbin karaa warqadda cabashada liddiga, cabasha liddi ku ah isla xukunka. Cabashada dhinaca kale waxa lagu dabbaqayaa qodobada 4, 6 iyo 7. Haddii la mideeyo dacwadda, dhinaca soo dhexgalay waa in uu soo gudbiyaa wixii cabasho muddo labaatan cisho gudahoo marka dhinacayada kale qoraal ku soo wargeliyaan

**Qod. 11
Joojinta Fulinta**

Cabashada Maxkamada Garsoorka ma joojinayso fulinta xukunka.

Sikastaba Garsooraha ku dhawaaqay xukunka laga soo qaataay durista – marka uu dhageysto dhinaca kale ee ka soo horjeeda wuxuu joojin karaa fulinta, markii iyada ay ka imaanayso dhibaato culus oo si fudu aan loo xallin karin.

Go'aanka Garsooraha ee la xariira codsiga joojinta waxaa loogu dhawaaqayaa amar aan duris lahayn.

**Qod. 12
Muddaynta Fadhiga**

Kaaliyaha si aan daahid lahayn wuxuu u geynayaa cabashada Guddoomiyaha Maxkamadda, kaaso muddaynaya si dacwadda looga dodo wuuna magacaabayaa horjooge (relatore).

Kaaliyaha ayaa fadhiga awargelinya qareenada dhinacyada ugu yaraan 15 cisho ka hor fadhiga.

Dhinaydu waxay soo u gudbinayaan Kaaliyaha qoraaladooda ugu yaraan shan cisho ka hor fadhiga.

**Qod. 13
Doodda**

Marka la muddeeyo fadhiga waxaa ka warbixinya horjoogaha dulucda dacwadda. Warbixinta ka bacdi Guddoomiyuhu wuxuu u yeerayaa qareenada dhinacyada si ay u keenaan diffacooda.

Lama oggola wax jawaab-celin ah.

Marka dooddu ay dhammato Maxkamadda waxay Qolka Showrka ka soo saaraysaa xukunka, marka laga reebo iyadoo la eegayo ahmiyadda ay arrintu leedahay in Guddoomiyahu uu garto in ay habboontahay in dacwadda fadhi dambe loo qabto.

**Qod. 14
Go'aanada iyo Raadka – Dib-u-dhiggidda – Qaraarada ku Saabsan Kharasha iyo
Curaarta**

Iyadoo laga amba qaadayo arrimaha xeerku sheegayo, Maxkamaddu waxay caddaynaysaa in aan la aqbali karin ama aan la wadi karin, lala wareego curaarta iyo kharashka oo la diyaario; cabashada dib looma soo gudbi kara xitaa haddii muddadii aanay dhicin.

Maxkamaddu marka ay ka garnaqayso arrimaha awoodda dacwad qaadista ama iqtisaaska, waa xukumi karta kuwaas.

Haddii Maxkamadda ay u aragto in dacwadda aan la furi karin, ama dacwadda aan la sii wadi karin, waa la xiraya xukunka durista laga keenay.

Haddii dacwadda la diido, waxaa lagu xukumayaan soo cawdaha curaarta oo uu lumiyo iyo kharaska dacwadda, haddii aan loo arkin in ay habboontahay in loo cawilceliyo mikaan dambe.

Haddii la aqbalo cabashada, waxaay baabi'inaysaa xukunka waxayna si kama dambays ah ka garnaqaysaa dulucda haddii si ku filan loo dhisay, iyadoo diyaarinaysa kharashka; intaas wixii ka duwn waxay amaraysaa in loo celiyo Maxkamadda Racfaanka, hasayeeshe dacwadda cusub waxaa ka qayb qaadanaya Garsoore ka duwan midkii ku dhawaaqay xukunka la baabi'iyay.

Qod. 15

Haddii xukunka laga soo qaataay racfaanka uu sharciga wafaqsanyahay, oo sababahu ay khaldanyahay, Maxkamaddu waxay isku koobaysaa in ay saxdo kan dambe.

Qod. 16

Ogaysiiska Keydinta Xukunka

Xukunka waxaa lagu keydinaya Kaalinta Maxkamadda. Marka la soo keydiyo Kaaliyuhu wuxuu wargelinaya dhinacyada danaynaya isagoo u gaarsiinaya si aan daah lahayn

Galka xaafiiska, oo ay ku jiraan dhammaan waraaqaha dacwadda, waaa loo celinaya Kaaliyaha Maxkamadda Garsoraheedu ku dhawaaqay xukunka la duray.

Nuqul ka mida xukunka waxaa loo dirayaan Kaaliyaha Maxkamadda Garsooraheedu ku dhawaaqay xukunka durista laga soo qaataay, si uu ku calameeyo cirifka nuqulka asalka ee kan dambe.

Qod. 17

Dhinaca wuxuu ka tanasuli karaa cabashada asaasiga iyo tan labaad inta aanay bilaaban doodda warbixnta dacwadda. Tanasulidda waa in

lagu keena warqad qoraala oo uu soo qoro dhinaca ama qareenkiisa, marka arrintaas u haysto wakaalad gaara.

Maxkamaddu tanasulidda waxa ka soo saaraysaa amar, waxayna fareysaa in la celinayo curaarta, iyadoo ku xukumaysa tanasulaha kharshkii dacwadda, haddii tanasulidda dhinaca kale aanu aqbalin.

Qod. 18

Dib u Furidda Dacwadda

Midkasta oo ka mida dhinacyada, muddo sanad gudahiis ku siman mark xukunka Maxkamadda la faafiyay, wuxuu dib ka furi karaa dacwadda Garsoore dib u dhigay hortiisa qaab caadiva.

Qod. 19
Baaba'a Dacwadda

Xitaa marka uu baaba'o habku, xukunka Maxkamadda Garsoorka wuxuu sii yeelanyaawooddiis raacdista leh

Qod. 20

Habraaca dib u Dhigista

Dhinacyadu waxay sii yeelanayaan dacwadda cusub xaaladahoodi isla habraacoodi hore, hasayeeshe ma qaadan karaan gunaandyo ka duwan kuwi hore, haddii baahida gunaandka cusub aanay ka soo bixin xukunka ku dhawaqay baabi'inta. Wuxuu keliya la oggolyahay in la keeno dokumenti cusub oo leh taariikh sugan, oo dhinacyadu aanay suurtagal u ahayn in ay keenana garnaqiddu hore iyaguna wax eeda aanay ku lahayn.

Sidoo kale, waxaa la soo celin kara dhaarta garteeda lagu kala baxayo.

Qod. 21
Ku Dhawaaqodda Mabda' xaqa iyo wax ku Oolnimadiisa

Garsoore loo celiyay waa in uu ku ekaadaa mabadiida xaqa lagu dhawaaqay.

Qod. 22
Nidaamka Garsooridda

Nidaamka garsooridda waxaa keeni kara dhinac kasta inta dulucda dacwadda aan go'aan laga darajada koobaad, iyaddoo cabasha ah sida uu qabo qod. 6 iyo waxa ku xiga. Taasu waxay joojinaysaa garnaqidda dulucda dacwadda.

Qod. 23
Nidaamka Iqtisaaska

Isla qaabkaas, marka laga reebo, curaarta lagu guulaysan waayay, waxa la keenayaan nidaamka iqtisaaska, muddo labaatan cisho gudahood oo aan la kordhi karin oo laga soo bilaabo marka lagu dhawaaqay xukunka ku dhawaaqay iqtisaaska.

Keenista cabashada waa in ay lagu keena labaatan cisho gudahood oo laga soo bilaabo maraka la wargeliyay dhinaca, iyadoo labatanka cisha oo ku xigana lagu keeni karo qoraallada diffaaca iyo dokumentiyo.

Qod. 24
Nidaamka Iqtisaaska Xaafiiska

Nidaamka iqtisaaska xaafiis ahaaneed waa codsi garsooraha oo uu amar ku soo sarayo.

Qod. 25
Joogsiga Habraacyada

Habraacyada lagu weydiistay nidaamka iqtisaaska waa joogsanayaan.

Qod. 26
Xukunka Nidaaminta Iqtisaaska

Nidaamka waxaa lagu dhawaaqay isago xukun aha labaatan cisho oo ku xigta dhicitaanka muddada ku xusan faqradda dambe ee qod 25.

Xukunka waxaa lagu sheegayaa iqtisaaska waxayna bixinaysaa tallaabooyinka loo baahanyahay ee dacwadda lagu sii wadayo.

Qod. 27
Dib u Bilaabidda Dacwadda

Haddii dacwadda dib loo bilaabo inta lagu jiro muddadi xukunka lagu sheegay, iyo haddii aan lagu sheegin saddex bilood gudahood oo ka soo bilaabata wargalinta xukunka iqtisaska, dacwaddu waxay ka soconaysaa garsooraha cusub hortiisa; haddii kale waa ay baaba'aysaa.

Cutubka 2aad
Cabashooyinka Dacwadaha Ciqaabta

Qod. 28
Cabashooyinka Amarrada looga Dhawaaqay Doodad Dhexdeed

Cabashada waxay joojinaysaa fulinta xukunka durista laga qaatay. Durist waxaa laga qaadan karaa amarka looga dhawaaqay doodda dhexdeeda, iyadoo uu wehliyo xukunka kamadambaysta ah.

Qod. 29
Sababaha Cabashada

Sababaha gaarka ee cabashada waxa lagu keeni karaa muddo labaatan cisho oo ka soo bilaabata wargalinta marka la keydiyay xukunka durista laga soo qaatay.

Qod. 30
U soo Gudbinta Maxkamadda Waraaqaha

Marka la keeno sababaha cabashada amase la soo dhaafo muddada lagu keeni lahaa, Kaaaliyaha Garsooraha, ku dhawaaqay xukunka la duray – haddii aan la caddayn aqbalid la'aanta durista – wuxuu soo gudbinayaa Kaalinta Maxkamadda Garsoorka waraaqaha habraacyada.

Qod. 31
Wargalinta Dadweyne u Doodaha Waraaqaha

Kaaliyaha Maxkamaadda wuxuu hordhigayaa waraaqaha Guddiimiyaha, kaasoo amraya in loo gudbiyo Dadweyne u Doodaha isagoo markiiba u soo celinaya iyado uu wehliso codsikiisa.

Qod. 32
Qaraarada Qolka Showrka

Arrinta marka uu Dadwynaha u Doodaha uu codsado ama ay tahay xaafiis ahaan oo ay jiraan sabab aqbali la'aant cabashada, Gudoomiyuhu Maxkamadda Garsoorka wuxuu isugu yeeraya Maxkamadda Qolka Shawrka, isagoo Dadweyne u Doodaha siinaya ogaysiis ku saabsan maalinta la muddeyay iyo qareenka cawdahaa, iyadoo xaafiis ahaan loo magacaabay haddii aanu lahayn qareen. Kadib Maxkamaddu markii ay ka dooddo waxay saareysaa amar.

Qod. 33
Muddaynta Fadhiga

Haddii aanay jirin arrimo aqbalid la'aanta, ama ay jiraan xaaladaha ku xusan qdobka la soo sheegay, Maxkamaddu waxay caddaysay aqbalka cabashada, Guddoomiyuhu wuxuu qabanayaa muddada cabashada la doodayo, wuxuu magacaabyaa horjoogaha, wuxuu kaao diyaarinayaa diffaaca xaafiis ahaaneed ee cawdaha.

Kaaliyuhu wuxuu wargelinayaa ogaysiiska maalinta la muddeeyay fadhiga, Dadweyne u Doodaha iyo qareenada, ugu yaraan shan iyo toban maalmood ka hor.

Qod. 34
Doodda

Fadhiga dhinacyada waxaa ka wakiil noqonayaa qareenadooda. Marka la keeno warbixinta, ugu horayntii waxaa la siinayaa doodda qareenka dhinaca madaniga, waxa ku xiga Dadweyne u Doodaha ka bacdi waxa xigaya qareenada kuwa madani ahaan masuulka ah, qofka ay ku waajibtay ganaaxa iyo ugu dambantii eedaysanaha ayaa midkasta soo qadimaya gungaarkiisa.

Lama oggola dood-celis.

Qod. 35
Soo Saaridda, Faafinta iyo Keydinta Xukunka

Dooddu marka ay dhammaato, Maxkamaddu waxay soo saaraysaa xukunka, iyadoo lagu faafinayo isla fadhigaas lana akhrinayo xukunka, waxaana ku dhawaaqayaa Guddoomiyaha ama

xubin kale oo ka mida Maxkamadda, marka laga reebo Guddoomiyuhu isagoo tixgakliyo ahmiyadda arrimaha ay leeyihiin in ay la habboonaato ku dhawaaqidda in fadhib xiga loo weecyo.

Qod. 36 Go'aamada, ku-Dhwaaqidda Mabaadiidda Xeerka

Maxkamaddu, hadba xaaladaha jira, waxay ku dhaqaaqaysaa qaabka soo socda: waxay caddaynaysaa in aan la aqbali karin cabashda, haddii ay jiraan waxyaabo maleyn lagu saleeyay: dacwadda ayay jabinaysaa, iyadoo markaas saxaysa khaldaadka xagga xeerka ee ku jira sababaynta ama tilmaamaha khaldan ee laga bixiyay buugagga xeerka e ku jira xukunka la duray; in ay baabi'iso xukunka, iyadoo dib ugu soo celinaysa Garsooraha iqtisaaska u leh maadda ahaan iyo dhul ahaan marka - xaaladda labaad – diidmada laga keenay ka garniqidda dulucda; inay baabi'iso iyadoo aan soo celin xukunka marka ay caddaato in dacwadda aan la bilaabi karin ama la wadi karin ama aan lagu dhawaqi karin xukun; in ay baabi'iso gebi ahhan ama qayb ka mida xukunka durista laga keenay, iyadoo ku dhawaaqaysa xitaa dulucda haddii si dhammaystiran loo soooo dhisay.

Wixii intaas ka duwan, waxay u celinaysaa isla hay'addii garsoorka, hasayeeshe dacwadda cusub waxaa ka garnaqaya Garsoore ka duwan kii ku dhawaqay xukunka la baabi'iyay. Haddii ay baabi'iso amar, Maxkamaddu waxay u direysaa waraaqaha Garsoorihi ku dhawaaqay isago dacwadda galaya si wafaqsan xukunka la soo baabi'iyay. Garsooraha soo celinta waa in uu waafaaqaa xukunka Maxkamadda Garsoorka arrimaha quseeya xeerka iyo falka.

Qod. 37 Kharashka Lacagaha Ganaaxa haddi Dacwadda la Jabiyo ama la Caddeeyo in aan la Aqbali karin

Xukunka ku dhuwaqay aqbalid la'aanta ama dacwadda jabiyyay, dhinaca gaarka ee durista soo qaatay waxaa lagu xakumayaa in uu bixiyo kharshkii dacwadda, kuna shubo khasnadda dawladda lacag dhan So 25 illaa 100.

Qod. 38 Ka Tanasulidda Cabashada

Dadweyne u Doodaha iyo sidoo kale dhinacyada gaarka waa ay ka tanasuli karan cabashada.

Qod. 39 Fidinta Go'aamada kuwa aan laga Caban

Eeedaysanayaasha xukunka ku wada dhacay qaar ka mida haaddii aanu cabasho soo gudbin, baabi'inta iyo wax ka baddalka xukunka lagu dhawaaqay ee kuwaas kamida, waxaa lagu fidiyaa xitaa kuwa kale, haddii aqbalid la'aanta ama wax ka baddalaka aanay si gaara u khusayn qofka soo cawday

Qod. 40 Hawlqabadyda Kaaliyaha Xukunka ka Bacdi

Kaaliyaha Maxkamadda wuxuu u dirayaan nuqul ka mida xukunka Xaafiiska Garsooraha ku dhawaaqay go'aanka la duray si loo calaameeyo nuqulka asalka darafkiisa go'aankaas isaga ah, wuxuna u gudbinayaa waraaqaha dacwadda hadba xaalku sida uu yahay Garsooraha ama midka iqtisaaska u leh

Qod. 41
Siidaynta Eedaysanaha

Iyadoo lagu saleynayo go'aanka Maxkamadda haddii eedaysanaha la siidaayo, Dadwyne u Doodaha wuxuu amrayaa in la siidaayo eedaysanaha.

Qod. 42
Is-qabsiga Garsooridda iyo Iqtisaaska

Maxkamadda ayaa go'aan ka gaaraysaa is-qabsiga garsoor iyi iqtiaaska u dhexeeya hay'adaha garsoorka caadiga iyo kuwaas hay'adha garsoorka gaarka iyadoo ku dhawaqayso xukun ay ku gaarto Qolka sSwrka. Marka ay jirto xaaladda labaad Maxkamaddu waxay ku dhaqaaysaa fadhi ay xubnihu u wada dhanyihii.

Maxkamaddu marka ay xallinayso is-qabsiga waxay go'aaminaysaa haddii ay si jireys qaybaha saxan marka la eego waxyaabaha uu sameeyay garsooraha lagu caddeeyay iqtisaas la'aanta. Dadweyne u Doodahu wuxuu wargelinayaas isla markiiba wixii ka soo baayxukunka Garsooraha is-qabadka.

Qod. 43
Cabashada Liddiga ku aha Qaraarada ku Lugle Xorriyadda Gaarka

Amar lagu gaaro Qolka Shiwrka Maxkamaddu waxau go'aan uga gaaraysaa cabashiiyinka arrimaha ku saabsan xorriyadda gaarka ee ku xusan qod. 47, xarafka c) ee Xeerla Nidaamka Garsoorka.

Qod. 44
Helitaanka Kharshka Dacwadda

Mararka Maxkamadu ay caddayso aqbalid la'aata ama ay diiddo cabashada helitanka kharashka dacwadda iyo wixii kale ee ganaax lacageed, waxa u xilsaaran Kaalinta Maxkamadda Garsoora.

Cutubka 3aad
Codsiyada dib-u-Eegista

Qod.45
Xukunka dib-u-Eegista looga Qaadan karo

Waxaa la oggolyahay, iyadoo wax xaddidaa muddo ku xirnayn, dib-u-eegis xukun aan laga noqon karin oo looga dhawaqay darajada racfaanka ama mid hal darajo Garsoor keliya ahaa, xitaa marka ciqaabta la dhammaysto ama ay baaba'ado.

Qod. 46
Xaaladaha dib-u-Eegista

Dib-u-eegista waxaa la codsan karaa xaaladaha soo socda:

- 1) kadib xukunka ciqaabta dhacay haddii ay soo baxaan ama la helo falal cusub ama walxo muujin/caddayn, oo keli ahantood ama marka lagu biiriyo xaaladihi horay looga baarandegay, ka dhigaya dhacdada mid aan jirin amaba xukumanahu aanu gelinba;
- 2) la caddeeyo in xukunka lagu dhawaqaqay uu salka ku hayo been abuur waraaqo ama garsoorid ama dhacdo kale uu xeerku ka dhigay dambi, iyadoo been abuurka iyo dambiga kale awgood ay sababtay in lagu dhawaqaqo xukunka aan laga noqin karin;

- 3) marka dhacdooyinka lagu saleeyay xukunka ciqaabta aanay la jaan qaadi karin xukunno ciqaab hore ee Hay'adaha Garsoorka oo noqday kuwo aan laga noqin karin.

Qod. 47
Xudduudaha dib – u-Eegista

Sikastaba codsiga dib-u-eegista waa in uu ku saleysanyahay iyadoo la'aantiis aan la qaban karin, wayaabo marka la xaqijiyo, meesha ka saaraya jiritaanka falka ama xukumanuhu aanu galin ama uu caddeeyo in ay maqanyihii caddaymaha idil ee jiritaanka falka amaba eedaysanuhu in uu galay.

Qod. 48
Dadka leh Xaqa dib-u-Eegista

Codsiga dib-u-eegista waxa soo gudbin kara kliya xukumanaha iyo Dadweyne u Doodaha. Xukumanaha waxaa codsiga u soo gudbin kara qaraabada farac iyo asalka, xaaska/sayg, haddii xukumanhu geeriyooday xitaa mid ka mida dhaxaltooyadiisa.

Qod. 49
Codsiga dib-u-Eegista

Codsiga dib-u-eegista waa in lagu soo hagaajiyyaa Maxkamadda Garsoorka lana geeya Kaalinta Maxkamada, iyadoo ay ku lifaaqanyihiin sababaha iyo dokumentiyada caddaynaya. Xukumanaha ama dadka qdobkaan lagu xusay waxay tegi karaan shaqsiyaan Maxkamadda ama isago wata Qareen ama Wakiil ku qoran diiwaanka, xita Kaalinta Garsooraha Racfaanka ama midda Garsooraha Gobolka, iyado markaaso kale si aan daah lahayn u soo gudbinaya Maxkamadda Garsoorka.

Qod. 50
Tallaabooyinka Gogal Xaarka

Guddoomiyh Maxkamadda marka ay soo gaarto waraaqaha, Maxkamadda ayuu isgu yeerayaa garsoorid gogol xaara; isago dhagaysanaya Dadweyne u Doodaha, arrima ku saabsan aqbalidda codsiga dib-u-eegista.

Ka hor inta aanay go'an gaarin, Maxkamaddu waxay samayn kartaa baarista loo baahanyahay, iyadoo wakiilanaysa mid ka mida la-taliyeaasheeda ama Garsoore.

Haddii ay maqanyihii shuruudaha ama codsiga ay si caddaana uga muqato mid aan sal lahaynla, Maxkamaddu waxay amar ku caddaynaysaa in aan codsiga la aqbali karin. Haddii loo arko codsiga mid la aqbali karo, Guddoomiyahu wuxuu muddaynayaa taariikhda doodda, iyadoo la wargelinayo Dadweyne u Doodaha iyo difaacaha xukumanaha. Isla warqaddaas Guddoomiyaha wuxxu ku magacaabayaa qareen xafiis haddii xukumanahu aanu lahay mid uu ku kalsoonyahay.

Guddoomiyaha Maxkamadda xaalad kasta wuxuu bixin karaa xafiis ahaan ama codsiga kaga yimaada Dadweyne u Doodaha ama xukumanaha xorriyad ku-meelgaara.

Qod. 51
Habraacyada Maxkamadda Garsoorka Horteeda

Habraacyada arrimaha la xariira waxaa loo hoggaansamayaa nidaamka ku xusan madaxa la soo sheegay marka la dabbagi karo. Maxkamaddu waxay ku shaqaynaysaa Qolka Showrka waxayna ku meel-marinaysaa xukun.

Maxkamaddu marka ay rumaysato waxyabaha la soo uruuriyay in ay si cad u muujinayaan sax ahaanshaha codsiga, waxay baabi'inaysaa xukunka ciqaabta waxayna amraysaa in xabsiga laga siidaayo xukumanaha, haddii uu xiranyahay. Marka loo baahdo baaris dheerraada, Maxkamaddu waxay amraysaa in dacwadda dib loogu celiyo Garsooraha iqtisaaska u leh.

Qod. 52

Karti Darrada Noqoshada Markhaati, Khubaro ama Turjumaanno

Dadka lagu xakumay dambiyada lagu xusay lamba. 2 ee qod. 46 kama noqon karaan markaatiyo, khubaro ama turjumaanno Maxkamadda Garsoorka ama Maxkamadda soo celinta, haddii aanay si buuxda u qiran dambiga la galay.

Qod. 53

Habraaca Garsooridda soo-Celinta dib-u-Eegista

Garsooraha soo-celinta wuxuu ku soconayaa qabkii lagu amaray. Garsooridda waxaa ka soo qaybgali karaa dhinaca madaniga ee ka soo qaygalay garsoorkii hore iyo masuulka kale madaniga ee lagu xakumay xukunka la baabi'iyay.

Garsooruhu wuxuu ku dhawaaqi karaa xukunka siidaynta keliya marka la caddeeyo in falku aanu dambi keenayn iyo eedaysanuhu aanu gelin dambiga, amaba marka ay maqanyihin muujinta/caddaynta idil ee ah in falku jiro ama eedaysanuhu galay.

Wixii kale intaas ka duwan, wuxuu ayidayaa xukunkii hore

Qod. 54

Habraacyada ku saabsan kharashka iyo raadka ka Dhalanaya Siidaynta

Maxkamadda Garsoorka marka ay baabi'iso xukunka iyadoo aan dib u-soo-celin xukunka ciqaabta, iyo Garsooraha soo celinta marka uu ku dhawaqo xukunka siidaynta, wuxuu amrayaa in la celiyo lacagihii lagu bixiyay fulinta xukunka, ciqaabtii lacageed iyo kharashkii dacwadda sidoo kale madhwgii dhibaatooyinka.

Qod. 55

Codsiga Madhawga Lacageed

Xukumanaha la siidaayay wuxuu u soo gudin karaa Maxkamadda Garsoorka, codsiga magdhow lacageed ku magacaaban caawinaad. Maxkamaddu waxay ku gaaraysaa Qolka Shawrka xukun aqbaladda codsiga iyo ugu dambayntii qiyaasta magdhowga, iyadoo tirada lagu darayo xaaladaha dhaqaale ee eedaysanaha iyo dhibaatoinkii ka soo gaaray xukunkii la baabi'iyay.

Qod. 56

Habraacayada marka la diido ama Garsooridda aan dan u ahayn

Haddii codsiga dib-u-egista Maxkmadda Garsoorka ama Garsoora soo-celinta ay diidaan, dhinaca madaniga ee codsiga gudbiyay waxaa lagu xakumayaa kharashka dacwadda.

Qod. 57

Durista Xukunka Garsooraha soo-Celinta

Dadweyne u Dooduhu wuxuu duris ka qadan karaa xukunka siidaynta ee uu ku dhawaaqay Garsooraha soo-celinta. Duris ayaa laga qaadan karaa xukunka ayidaadda iyo midla xukunka ciqaabta. Sikastaba waxaa laga keeni karaa codsiyo cusub ee dib-u-eegis ee ku saleysan arrimo kala duwan.

Qod. 58
Faafinta Xukunka Sidaynta

Xukunka ku saabsan dib u-eegista waxaa la amri karaa in la baahiyoo iyo in lagu dhajiyo goobaha la rumaysnyahay in ay ku habboonyihii.

Cutubka 4aad
Cabashooyinka laga Qaato Maxkamadda Qaaliga

Qaybta 1aad
Cabashooshinka Arrimaha Madaniga

Qod. 59
Cabashada – Lifaaqayada – Curaarta Qofk laga Garhelay

Cabashada – oo la'aanteed aan la aqbali karin – waa in lagu keena qoraal dhinaca daneynayaa ama wakiilkiisu, oo sita wakaalad gaara xitaa ah mid shareecda, muddada loo qabtay dhexdeeda taaso ka bilaabata marka loo akhriyay go'aanka durista laga keenay dhinacyada goob joogga ahaa ama marka la wargeliyay dhinacyada maqan.

Cabashada – oo la'aanteed aanla wadi karin, waa in la keenaaa Kaalinta Garsooraha Gobolka aagga Maxkamadda Degmada xukunka ku dhawaaqay, oo ay wehliyaan nuqul la tasdiiqiyay ee isaga loona tarjumay afka Talyaaniga, ayna wehliso wakaaladda haddii qoraal gooniya lagu bixiyay, sidoo kale waraaqaha iyo dokumentiyada xukunka lagu saleeyay iyo rasiidka curaarta lacagta So. 100, amase dekereetada loogu oggolaaday diffaaca lacag la'aanta. Keenista cabashada waxaa laga samaynayaa maxdar ay saxiixaan kaaliyaha, cawdaha ama wakiilkiisa.

Qod. 60
Hawlgallada Kaalinta Qabanaysa Cabashada – Cabashada Dhinaca kale

Kaaliyaha Maxkamadda gobolka wuxuu gaarsiinayaa dhinaca kale cabashada iyadoo kharashka uu qabo cawdaha.

Midkaas, muddo ku siman labaatan cisho oo ka bilaabata marka la wargeliyay wuxuu keeni karaa cabasho taas ka horjeedda iyo markasta cabashada dhinaca kale, isagoo ku soo hagajinaya Kaalinta lagu xusay qodobka sare – markasta iyadoo uu qabo kharashka cawdaha in uu soo wargelinayaa mid ahaan iyo cawdaha kale.

Dhinaca kale ee cabashada keena wuxuu bixinayaa curaarta keliya marka laga guulaysto. Marka la fuliyo wargalinta ama ay ka soo wareegto muddada loo qabtay, Kaaliyaha Maxkamadda gobolka wuxuu u gudbinayaa waraaqaha Maxkamadda Garsoorka.

Qod. 61
Tallaabooyinka Gogol-Xaarka

Guddoomiyaha, marka ay soo gaarto waraaqaha cabashada, wuxuu isugu yeerayaa Maxkamadda Qolka Showrka si looga hadlo aqbalaadda iyo sii wadidda iyada. Haddii cabashada la go'aamiyo in aan la aqbali karin ama aan la wadi karin, Maxkamadda waxay ku soo saareysa, iyadoo ku xakumaysa cawdaha in lumiyay curaarti iyo kharashka dacwadda. Haddii la garowsado aqbalaadda iyo sii wadidda, Guddoomiyhu wuxuu muddaynayaa garmaqalka, isagoo Kaalintu ay dhinacyada wargelinaysa ugu yaraan shan iyo tobant cisho.

Qod. 62

Doodda

Dhinacyada shaqsiyan waxaa ka soo qaybgali karaan garmaqalka ama wakiilada ama qareenadooda. Maxkamaddu, marka ay dooddu xiranto, xukun waxay Qolka Showrka ka soo saareysaa ka dibna u akhrinaysaa go'aanka isla garmaqalka, marka laga reebo iyadoo la eegayo ahmiyadda xaaladaha, in Guddoomiyaha ay la habboonaato garmaqal dambe.

Qod. 63 Go'aanka

Maxkamaddu waxay xukun ku gaari kartaa:

- 1) in ay diiddo abashada, sababtoo ah in aanay sal lahayn, iydoo lu xakumaysa cawdaha curartii oo uu lumiyo sidoo kale kharashka dacwadda;
- 2) ay baabiis'iso xukunka durista laga soo qaatay, iyado xitaa ka garnaqaysa haddii loo baahdo xitaa dulucda, waa haddii dcwadda si dhammaystiran loo soo dhisay, ama ay u soo celiso isla Maxlamadda Qaaliga si marlabad loo qaaddo.

Qod. 64 Ka Tanasulidda Cabashada

Waxaa la oggolyahay in laga tanasulo cabashada. Maxkamaddu waxay ku soo saareysaa amar. Tanasuluhu wuxuu bixinaya kharashka, haddii aanu soo dhixgalin aqbalaadda tanasulka.

Qaybta 2aad Cabashooyinka Arrimaha Ciqaabta

Qod. 65 U Weecinta Xeerarka Dacwadaha Ciqaabta

Arimaha ciqaabta waxaa jiraya – marka la dabbaqi karo – xeerarka ku xusan Madaxa II.

Cutubka 5aad Cabashooyinka Liddaiga ku ah Qaraarada Maamulka

Qod. 66 Muddada ay ka Bilaabanayso soo Gudbinta Cabashada

Muddada ay ka bilaabanayso soo gudbinta cabashada waa taariikhda si rasmiya la ogaysiiyay ama la wargeliyay qaraarka ama la hubo in uu ka war helay.

Qod. 67 Cabashada Dacweysanaha

Cabashada, oo uu soo saxiixo Qareen ama Wakiil Diiwaanka ku qoran, waa in lagu soo hagaajiyaa Maxkamadda Garsoorka, waana in ay la socotaa:

- 1) Magaca buuxa cawdaha iyo tilmaanta deegaanka ama goobta uu degganyahay;
- 2) tilmaanta qararka mamulka durista laga keenay iyo taariikhada uu cawduhu si rasmiyaha la soo gaarsiiyay ama ka war helay;
- 3) warbixin kooban oo ku saabsan falalka iyo sababaha sharci ee cabashadu ku fadhido, sidoo kale mowduuca codsiga;

- 4) Tilmaanta wakaaladda qareenka haddii lagu siiyay warqad gooniya.

Qod. 68

Wargelinta Cabashaa iyo Cabashada Dhinaca kale

Inta lagu jiro muddada ku xusan qod. 66 cabashada waa in la soo wargeliyaa Masuuliinta maamulka soo saaray qaraarka la duray, iyo haddii ay jiraan dadka uu khuseeyo qaraarka. Soddon cisho gudahood ee ku xigta wargelintii u dambaysay, nuqluka asalka ee cabashada, nuql la tasdiiqiaya ee qaraarka durista laga qaataay iyo dokumentiyada wax sababaynaya, waa in la keenaa Kaalinta Maxkamadda Garsoorka, iyadoo la'aantood aan dacwadda la wadi karin. Ka dib marka la keeno iyo ka hor labaatan cisho garmaqalka, Masuulinta iyo dhinacyada cabashada la wargeliyay, waxay ka keeni karaan is-hortaag sababaha la soo sheegay iyo in ay keenaan cabasho ku liddi ah oo ay ku lifaaqanyihin wixii dokumenti ah.

Isla dhinacyadaas waxay ka keeni karaan cabasho labaad oo liddi ku ah qaraarka durista laga keenay ee cabashada koobaad, isla qaabka middaan dambe loo sheegay. Muddada lankiin waxa la yareyn karaa kala bar iyadoo ka bilaabanaysa taariikhda la keenay cabashada koobaad.

Qod. 69

Joojinta Qaraarada ay Cabashadu Khusayso

Cabashadu ma keenayso saamaynta joojinta. Sikastaba Maxkamadda Garsoorka, marka la helo codsi sababayn ee cawdaha ama dhinacyada kale ee danaha ka leh, kadib marka Qolka Showrka ay gasho, waxay amar ku joojin kartaa fulinta qaraarka marka taas ay imaan karto dhibaatooyin aan laga soo waaqsan karin amaba ay si dhib leh looga soo waaqsan karo.

Qod.70

Muddaynta Garmaqalka – Ogaysiiska Dhinacyada

Guddoomiyaha Maxkamadda wuxuu muddeynaya garmaqalka isagoo u magacaabaya horjooge mid ka mida La-taliyeyaasha. Garmaqalka dhinacyada iyo Masuulinta maamulka danaynaya waxaa wargelinaya Kaaliyaha Maxkamadda ugu yaraan shan iyo tobantoban cisho ka hor

Qod. 71

Doodda

Garmaqalka, horjooguhu wuxuu u gudbinayaa Qareenka cawdaha iyo wakiilka Maamulka waxay qoraal ku keeni karaan gungarkooda. Maxamadda haddii ay u aragta waxyaabaha ay hayso in aanay ku filnayn in si waafiya lagu dhawaaqo, waxay awood u leedahay in ay amarto waraaqo wax lagu dhisayo iyo in ay weydiiso masuuliinta soo saaray qaraarka in ay bixiyaan faah-faahino, in ay hubiyaan iyo ay soo bandhigaan dokumentiyada mowduuca cabashada ku saabsan.

Qod. 72

Go'aanka

Marka dooddu ay dhammaato, Maxkamaddu Qolka Showrka ka dib waxay ku dhawaaqaysaa xukunka. Marka Maxkamaddu garawsato in aan la aqbali karin ama la socodsiiin karin cabashada, si hordhaca ayay go'aan gaaraysaa iyadoo aan u daadagin dulucda cabahada. Marka Maxkamaddu ay aqbasho cabashada sababa la xariira iqtisaaska, waxay baabi'inayssa qaraarka waxayna u soo celinaysaa arrinta Masuulinta iqtisaaska ku leh.

Marka Maxkamaddu ay aqbasho cabashada sababa kale awgood, waxay baabi'inaysaa qaraarka, iyadoo Masuuliinta Maamulka la farayo in ay raacaan mabadiida Maxkamaddu caddaysay.

Qod. 73

Wargalinta Go'aanka iyo Ogaysiiska Dhinacyada in uu hayo

Kaaliyaha Maxkamadda wuxuu wargalinaya nuqulka xukunka oo dhan Masuulinta soo saartay qaraarka durista laga keenay. Wuxuu kaloo wargalinyaa dhinacyada in uu hayo isago isla markiiba ogaysiinaya.

Qod. 74

Tanasulidda

Dhinacyadu waxay uga ka tanasuli karaan cabashada qaabka lagu soo sheegay qod. 17.

Cutubka 6aad

Cabashooyinka Arrimaha Xisaabaadka, Masuuliyadaha Dhibaatooyinka Hawlgabka iyo Waxyabaha la mid ah.

Qod. 75

Cabashada Dadweyne u Doodaha Arrimaha Xisaabadka

Haddiiba Xaafiiska Hantidhowrka aanu ku waafaqin xisaabta xirkka ay soo qadimtay cidda haysay maamul lacageed ama haysa hanti qiima leh ee guud, wuxuu ku wareejinaya waraaqaha Dadweyne u Doodaha si loogu oogo dacwadda Qaybta gaarka ee Maxkamadda Garsoorka.

Qod. 76

Maxkamadaynta uu Waydiisto Xisaabiyaha

Qofki dan ka leh in uu helo caddayn xisaab muujin, Maamulkuna daahiyo in uu baaro iyado laba jeer qoral lagu weydiistay islamarkana ogaysiiska helitaanka uu jiro, waxaa loo diri kara Qaybta gaarka e Maxkamadda Garsoorka si loo maxkamadeeyo, marka ay ka soo waregto liyan cisho marka la soo ogaysiyyay warqadda diidmada Maamulka isaga.

Qod. 77

Muddada lagu Keeni karo Cabashada

Muddada loo soo gudbin karo Qaybta gaarka ee Maxkamadda Garsoorka cabashada lagu soo shegay qod. 13 xarafka b), iyo c) ee Xeerka Nidaamka Garsoorka:

- a) laga soo bilaabo taariikhdaa la soo ogaysiyyay qaraarka Maamulka ee lagu caddeeyay masuulliyadda waxyeelada shaqaalaha dawladda ee Mamulku ay xilalkooda ku geysteen, cid kasta ha ahaado cawduhu;
- b) laga soo bilaabo tariikhda la soo ogaysiyyay qaraarka loogu diiday ama lagu aqbalay hawlgabka ama caaadiyan lagu xasiliyay dhaqaalaynta, haddii kan cabanayaa uu yahay qof gaara, laga soo bilaabo taariikhda la diiwaangeliyay qaraarka, haddi kan cabanayaa uu yahay Dadweyne u Doodaha.

Qod. 78

Saxiixa iyo Nuxurka Cabashada

Cabashada- lama aqbalayo haddii aanay si gaar gaara u soo saxiixin Dadweyne u Doodaha ama Qareen ama Wakiil Diwaanka kujira, waan in ay lagu soo tilmaamaha dhinacyada, falallka dacwadda iyo sababaha xeerka uu ku fadhiyo.

Qod. 79
Xaraynta Cabashada

Cabashada - lama socodsiiin karo – haddi aan lagu soo xarayn Kaalinta Maxkamadda Garsoorka shan iyo tobon cisho gudahood marka la soo ogaysiyyay dhinacyada cabashada laga keenay. Haddii dhinacyadu ay kala duwanyihiin, waxaa la tixgalinaya ogaysiiska ugu dambeeyay.

Qod. 80
Diffaaca

Dhinaca laga keenay cabashada wuxuu awoodaa illaa labaatan cisho garmaqalka ka hor, in uu keeno qoral iyo dokumentiyo ka horjeeda waxyaabaha uu cawduhu ku soo dallacay.

Qod. 81
Garmaqalka

Guddoomiyaha Qaypta gaarka ee Maxkamadda garsoorka wuxuu muddaynaya garmaqalka dooddha, iyado Kaaliyhuna uu wargelinayo dhinacyada labaatan cisho ka hor. Dhinacyadu iyaguna waa in ay gungaarkooda ku soo xareeyaan Kaalinta ugu yaraan toban cisho garmaqalka ka hor.

Qod. 82
Doodda

Garmaqalka, horjoogaha wuxuu u gudbinaya cabashada; Qareenada dhinacyada iyo Dadweyne u Doodaha waxayna gungaarkooda ku soo jeedinayaan af-ahann.

Qod. 83
Midaynta Dacwadda

Maxkamaddu waxay amri kartaa in la mideeyo dacwadda marka loo eego dadka hawlahay qabtaan ama xaaladda ay ku suganyihiin oo ah damiintayaal iyo kuwa qabta adeegga curaarta lagu xukumi karo isago uu weliyo masuulka xisaabta bixiyay ama dhibatada u geystay Maamulka.

Qod. 84
Xukunka/Go'aanka

Maxkamaddu waxay ku dhawaaqaysaa xukunka, haddii ay ogaaato in xisaabta la dejiyay ama wakiilka Maamulka tiisi ay is-waafafeen, waxay ku dhawaaqaysaa xisaab xirka iyo in la madaxbaneeyo, haddii uu jiray curaar ama mushaar dammanad ahaan looga gooyay iyo in la tirtiro rahanta.

Wixii intaas ka horjeeda waxaa la lacageynaya daynta wakiilka, waxayna ku dhawaaqaysaa, haddii loo baahdo in lagu xakumo bixinta lacagta ama soo wareejiyo dammanadda uu qaaday, xitaa cid saddexaad, laakiin waxaa shardi ah in loo yeeray dacwaddana ay ka soo qaybgaleen.

Warejinta dammanadda haddii aan lagu oggolaan xukunka dacwadda xisaabta, Dadwene u Dooduhu wuxuu ku furayaa dacwad kuwa ay khusayso.

Xaaladaha kale Qaybta gaarka ee Maxkamadda waxay diidaysaa cabashada waxayna wax ka baddalaysaa xukunka durista laga soo qaatay.

Sikastaba dhincyda garta laga helay waxaa lagu xakumaya kharashkii dacwadda, haddii aanay jirin sababo culus oo lagu caddayn karo in gabi ahaan ama qayb ka mida la magdhabo.

Qod. 85
Fulinta Go'aanada

Kaaliyaha Maxkamadda wuxuu wargeliyaa dhinacyda xukunka soo baxay wuxuuna u diraa Maamulka nuqul leh qaab fulinineed si isaguna u wargaliyo dhinaca danta kale.

Qod. 86
Ka Noqoshada

Xukunada Maxkamadaha waxaa duris looga qaadan kara ka noqoshada, oo ay qaataan dhinacyada iyo sidoo kale Dadweyne u Doodaha, marka:

- a) uu jiro khalad xagga falka ama xagga xisaabta;
- b) ay jiraan baaris xisaabaadka kale ama si kale loo ogaaday dayac dhacay ama laba jeer dhacay;
- c) la lahelay dokumenti cusub ka dib marku lagu dhawaaqay xukunka;
- d) in xukunka lagu dhawaaqay lagu saleeyay dokumenti la caddeeyay in ay been abuur ahayeen kuna soo baxay xukun aan la duri karin.

Muddada lagu qaadan karo cabashada waa saddex sano oo ka soo bilaabata go'aanka durista laga keenay. Xaaladaha lagu sheegay xarfaah b), c) iyo d) haddii ogaashaha dayaca ama labada jeer shaqada la qabtay, ama helitaanka dokumentiyada cusub ay dhaceen saddex sano ka dib, muddada cabashada lagu keeni karo waa sooddon cisho oo ka bilaabta marka la aqoonsdo ama la ogaado akhbaarta kor lagu soo sheegay.

Dacwadaha xisaabta, ka noqoshada waxaa laga samayn kara xaafis ahaan. Xalladdaaso kale dacwadda waxaa ka horreeya dekereeto lagu gaaro Qolka Shawrka ee ku saabsan aqbalaadda, marka la dhagaysto Dadweyne u Doodaha.

Ka noqoshada wax saamayn ah kuma yeelanaya qof aan ahayn midka la caddeeyay khaladka. Cabashada ka noqoshda ma joojinayso Fulita go'aanada Qaybta gaarka, taaso ogoolaan karta haddii ay jiraan sababo culus.

Maamulaha

Anzilotti